
**TUS THAWJ KWS TXIAV TXIM PLAUB NTUG TSAB NTAWV XAAJ 20-06 HAIS TXOG COV
CAI SIV MUS IB NTUS RAU THAUM MUAJ XWM TXHEEJ KUB CEEV**

Thaum lub 3 Hlis (March) Tim 22, 2020, Xeev Wisconsin Lub Tsev Hais Plaub Theem Siab Kawg tau tawm ob Tsab Ntawv Xaaj (Administrative Orders), ib tsab yog hais kom muab tas nrho cov rooj plaub ntsig txog neeg sib foob neeg (civil) thiab cov uas tsoom fwv foob cov neeg ua txhaum cai uas yog pej xeev tuaj nrog txiav txim (criminal jury trials) ncuu mus txog lub 5 Hlis (May) Tim 22, 2020, thiab tsab ob yog hais kom muab cov rooj plaub uas feem coob yuav muaj neeg nkag tuaj mus sib hais rau hauv tsev hais plaub ncuu mus thiab hais tias tas nrho cov rooj plaub sib hais hauv cov tsev hais plaub ntawm lub xeev no yuav tsum siv cov cuab yeej technology los ua kom hnov lus-pom duab nyob deb xwb (audio-video technology) yog ua tau. Milwaukee County Lub Tsev Hais Plaub tau ua ntawv tshaj tawm kom siv cov txheej txheem thiab cov lus taw qhia uas muab tuaj ntawm no. **Cov Cai Siv Thaum Muaj Xwm Txheej Kub Ceev thiab Tsuas Siv Mus Ib Ntus uas muab tuaj no TSUAS yog muab siv txij thaum lub 3 Hlis (March) Tim 23, 2020 mus txog lub 5 Hlis (May) Tim 15, 2020, los yog txog thaum muaj Ntawv Xaaj dua ntxiv tom ntej los ntawm Tsev Hais Plaub.** Milwaukee County lub tsev hais plaub kuj yuav qhib li qub, tsuas yog nws yuav muaj qee cov kev txwv, thiab yog ho muaj kev hloov pauv li cas los peb yuav muab qhia rau ntawm Milwaukee County Circuit Court lub website ntawm <https://county.milwaukee.gov/EN/Courts> thiab Wisconsin Court system lub website, www.wicourts.gov

Lub Koom Txoos Ntiaj Teb Saib Xyuas Kev Noj Qab Haus Huv (World Health Organization) tau tshaj tawm txog tus kab mob COVID-19 uas tau kis ua mob rau tib neeg thoob ntiaj teb, thiab tus Thawj Tswj Xeev Evers, Milwaukee County thiab lub Nroog Milwaukee tau tshaj tawm ib qho xwm txheej kub ceev hais txog tsoom neeg sawv daws txoj kev noj qab haus huv. Hnub no-lub 3 Hlis (March) Tim 23, 2020-Tus Thawj Tswj Xeev Wisconsin Tony Evers tau hais tawm tias tag kis nws yuav kos npe rau tsab ntawv xaaj “Nyob Hauv Tsev Muaj Kev Kaj Huv Dua” (Safer at Home), uas yog hais kom tsoom neeg nyob hauv Wisconsin nyob twj ywm hauv tsev tshwj tsuas yog thaum lawv muaj ib txoj hauj lwm tseem ceeb uas yuav tsum tau mus thiaj tiav nkaus xwb. Peb yuav ua txhua yam kom qhib rau sawv daws tuaj mus cuag tau peb lub tsev hais

plaub thiab cov kev pab, tiam sis peb kuj ntseeg tias peb muaj lub luag hauj lwm tseem ceeb los mus tiv thaiv txoj kev noj qab haus huv thiab kev nyab xeeb ntawm cov neeg tuaj hais plaub, cov kws txiav txim plaub ntug, cov neeg ua hauj lwm thiab cov saib xyuas kev ruaj ntseg, cov kws lij choj, cov pej xeem uas tuaj nrog txiav txim plaub ntug thiab lwm cov uas tuaj mus koom rooj plaub, thiab tas nrho lwm cov neeg nyob hauv cov chaw hais plaub.

Cov cai no peb muaj nyob rau ntawd kom ntseeg tau tias peb yuav khiav lub tsev hais plaub cov hauj lwm mus kom tsis tu ncuatiam sis kuj yuav tiv thaiv kom tus kab mob txhob kis loj mus ntxiv. Cov cai no kuj tseem hais txog qhov siv xov tooj los sib cev lus, thaum tsim nyog siv tau, kom sawv daws txhob nyob sib ze thiab sib chww tau; ua raws li cov kev coj ua kom sawv daws nyob sib nrug kom deb; thiab ncuatiam lub tsev hais plaub tej hauj lwm uas tsis tseem ceeb mus ib ntus.

Yog xav paub ntxiv txog ib rooj plaub twg, thov hu rau Ceg Tsev Hais Plaub (Branch) uas tau tso lub luag hauj lwm rau lis rooj plaub ntawd.


Koj mus nrhiav Ceg Tsev Hais Plaub (Branch) nyob rau ntawm

<https://county.milwaukee.gov/EN/Courts/Chief-Judge/List-of-Court-Officials>

Yog xav paub ntxiv txog qhov kev pab rau cov pej xeem uas tuaj nrog txiav txim plaub ntug (jury service)

thov hu rau Jury Management nyob rau ntawm <https://county.milwaukee.gov/EN/Courts/Jury-Duty>

Hnub Tim 23 lub 3 Hlis (March), 2020.



Chief Judge Mary E. Triggiano
1st Judicial District of Wisconsin

YUAV TSIS MUAJ HAIS COV ROOJ PLAUB UAS YOG PEJ XEEM TUAJ NROG TXIAV TXIM (JURY TRIALS) TXIJ TAM SIM NO MUS TXOG LUB 5 HLIS (MAY) 22, 2020 LOS YOG KOM TXOG RAU THAUM MUAJ NTAWV XAAJ TAWM DUA NTXIV TOM NTEJ LOS NTAWM TSEV HAIS PLAUB

**COV CAI THIB OB SIV MUS IB NTUS THIAB XWM TXHEEJ
KUB CEEV HAIS TXOG COV ROOJ PLAUB RAU ME NYUAM**

1. Yuav muab tas nrho cov rooj plaub uas muaj neeg tuaj koom rau hauv ncuca mus kom txog rau thaum lub 5 Hlis (May) Tim 15, 2020 thiab tas nrho cov rooj plaub uas yog pej xeem tuaj nrog txiav txim (jury trials) uas tau muab teem sij hawm pib ua ntej lub 5 Hlis (May) Tim 22, 2020, yuav muab ua mus thiab yuav muab teem dua tom qab lub 5 Hlis (May) Tim 22, 2020. Ntxiv mus, tas nrho cov rooj plaub (court trials) thiab cov rooj tsis yuav thawj zaus ntawm rooj plaub (waiver hearings) uas tam sim no tau muab teem mus txog lub 5 Hlis (May) Tim 15, 2020, yuav muab xaus thiab muab tas nrho cov sij hawm ncuca mus. Cov teeb meem no yuav muab tsa los sib hais dua tom qab lub 5 Hlis (May) Tim 15, 2020.
2. Tas nrho cov rooj plaub uas tam sim no tau muab teev nyob rau ntawm tsev hais plaub daim ntawv teem sij hawm (court calendar) lawm yuav muab los sib hais siv xov tooj los yog lwm yam kom tsuas yog sib pom nyob deb thiab pom duab hnov lus xwb. Cov no yuav muaj nyob ntawm hnuv thiab lub sij hawm uas tau teem tseg tshwj tiam yog muaj ntawv tuaj ceeb toom rau ob tog tias tau muab hloov li cas lawm no xwb. Cov tsev hais plaub yuav siv cuab yeej technology uas muaj nyob ntawd los hais plaub xwb kom zam qhov cia neeg tuaj koom ua ke kias lawv tus kheej.
3. Cov txheej txheem hais plaub nram qab no yuav siv rau tas nrho cov rooj sib hais (hearings) uas yuav tsa muaj nyob rau ntawm VPYFJC:
 - A) Txoj kev koom rau rooj plaub yuav txwv kom tsuas muaj cov pab pawg li nram qab no uas yog cov tau tso cai los mus sib hais siv xov tooj: Tus Thawj Kws Lij Choj Ntawm Xeev (Assistant District Attorney), GAL, tus kws lij choj rau niam txiv thiab/los yog tus me nyuam, ib leej niam txiv los yog ob leeg tib si thiab/los yog cov saib xyuas, tus me nyuam, tus sawv cev uas muab tus me nyuam tso rau lwm qhov uas tuaj ntawm Division of Milwaukee Child Protective Services (DMCPS) thiab/los yog Division of Youth and Family Services (DYFS), CASA, cov raug tsim txom thiab tus pab tswv yim rau cov raug tsim txom-tim khawv (victim-witness advocate).
 - B) Cov tsev hais plaub yuav tsum lees txais cov lus pom zoo tso cai uas yog sau ntawv los yog cia li ua lus hais xwb uas tau los ntawm ib tus kws lij choj sawv cev nws tus (cov) neeg uas nws yog tus tuaj txheem rooj plaub.
 - C) Cov tsev hais plaub yuav tsum tau ceev faj txog tej teeb meem tam sim no hais txog Xwm Txheej Kub Ceev Ntawm Tsoom Neeg Txoj Kev Noj Qab Haus Huv uas yog yuav tau npaj rau kev ceev thiab txhom cov neeg uas tsis coj raws cai, thiab cov uas tsis tuaj tshwm ntsej tshwm muag rau hauv tsev hais plaub.
4. Cov rooj plaub uas yog xwm txheej kub ceev los yog muaj kev cov nyom tshwj xeeb yuav tsum muab ceeb toom qhia rau tsev hais plaub paub kom tus kws txiav txim plaub ntug thiaj saib xyuas tau rooj plaub, ob tog neeg uas tuaj sib hais rooj plaub, thiab kev nyab xeeb ntawm tsoom neeg sawv daws.

**COV CAI THIB OB SIV MUS IB NTUS THIAB XWM TXHEEJ KUB CEEV HAIS
TXOG COV ROOJ PLAUB NEEG SIB FOOB NEEG (CIVIL), KEV FAIB CUAB YEEJ
CUAB TAM (PROBATE) & KOM THEM NYIAJ (SMALL CLAIMS)**

Roov Plaub Loj Neeg Foob Neeg thiab Faib Cuab Yeej Cuab Tam

1. Tas nrho cov kev sib hais uas yuav tsum yog tus neeg kiag tuaj koom nrog rau cov roov plaub txiav txim (court trials), los yog lwm yam kev sib hais uas yuav tau muaj pov thawj tim khawv los yog cov uas lub tsev poob rov rau tus tswv txais nyiaj (foreclosure) uas tsis siv xov tooj tau muab ncu kom mus txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj tuaj ntawm lub Tsev Hais Plaub. Tej teeb meem muaj li no uas tau muab teem rau thaum los yog ua ntej lub 5 Hlis (May) 15, 2020, yuav muab teem dua sij hawm los ntawm Tus Kws Tuav Ntaub Ntawv (Clerk) kom tau sib hais los yog tau ib hnuv txawv, raws li txiav txim pom zoo los ntawm tus Kws Txiaiv Txim Plaub Ntug uas tau tso txoj hauj lwm no rau nws.
2. Txij tam sim no mus txog lub 5 Hlis (May) Tim 15, 2020, los yog kom txog rau thaum muaj Ntawv Xaaj dua los ntawm Tsev Hais Palub, txhua lub roov sib hais uas tsis tas muaj pov thawj tim khawv uas yuav ua tau siv xov tooj yuav ua mus raws li tau teem tseg, uas muaj xws li tab sis kuj tsis yog tas rau cov roov sib ntsib sib tham, cov roov sib ntsib sib tham mus li cas, cov roov sib ntsib sib tham ua ntej mus hais roov plaub, kev thov kom tus kws txiav txim plaub ntug txiav txim rau ib yam dab tsi (conferences, status conferences, pretrial conferences, motion hearings), kev txiav txim uas yog hais lus xwb tsis sau ntawv los tau, cov kev hais hloov npe; cov teeb meem txiav txim, xws li tab sis kuj tsis yog tas rau cov ntawv thov hloov kho hnuv yug, cov ntawv pov thawj sib yuav thiab tas sim neej, yuav tau sau ntawv, siv e-filing los yog xa ntawv. Tab sis li cas los, txhua qhov tsis hais qhov twg yuav muab teem dua sij hawm raws li kev txiav txim pom zoo los ntawm tus Kws Txiaiv Txim Plaub Ntug uas muab txoj hauj lwm tso rau nws yog tias tus Kws Txiaiv Txim Plaub Ntug ntseeg tias yuav tsum tau tus neeg tuaj koom kiag.
3. Qhov uas tus neeg tuaj koom kiag tsuas yuav tso cai ua tau rau tej teeb meem xwm txheej kub ceev nkaus xwb, xws li Cov Roov Plaub Xyuas Txog Kev Ua Phem Hauv Vaj Hauv Tsev los yog Cov Ntawv Tiv Thaiv Kev Ua Phem, Cov Roov Plaub Hais Txog Riam Phom thiab Cov Ntawv Thov rau Stay of Writs of Restitution/Assistance. Ib qho teeb meem xwm txheej kub ceev twg yuav siv xov tooj sib tham los yog pom duab video, raws li kev txiav txim pom zoo ntawm tus Kws Txiaiv Txim Plaub Ntug uas saib xyuas qhov teeb meem ntawd.
4. Tsis pub ib tus neeg twg tuaj koom rau lwm cov roov plaub txij tam sim no mus txog lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm Tsev Hais Plaub, yam tsis tau ntawv pom zoo tso cai ua ntej ntawm tus Kws Txiaiv Txim Plaub Ntug uas tau muab qhov teeb meem tso rau nws.

Cov Roov Plaub Me Kom Them Nyiaj (Small Claims)

1. Tas nrho cov roov plaub me kom them nyiaj (small claims) tau muab ncu kom mus txog rau thaum lub 5 Hlis (May) Tim 15, 2020, los yog kom txog rau thaum muaj daim Ntawv Xaaj ntawm Tsev Hais Plaub. Cov teeb meem twg uas tam sim no tau muab teem rau thaum los yog ua ntej lub 5 Hlis (May) Tim 15, 2020, yuav muab teem sij hawm dua los ntawm tus Tuav Ntaub Ntawv (Clerk) uas yog sau ntawv ceeb toom qhia paub.

2. Tsis pub ib tus neeg twg tuaj koom rau cov rooj plaub txij tam sim no mus txog lus 5 Hlis (May) Tim 15, 2020, los yog kom txog rau thaum muaj Ntawv Xaaj ntawm Tsev Hais Plaub, tshwj tias ntshe yog ib qho teeb meem xwm txheej kub ceev, yam tsis tau ntawv pom zoo tso cai ua ntej ntawm tus Kws Txiav Txim Plaub Ntug uas tau muab qhov teeb meem tso rau nws; qhov no yuav yog hais txog cov hauj lwm xws li cov ntawv thov Requests for Stay of Writs of Restitution. Ib qho teeb meem xwm txheej kub ceev twg yuav siv xov tooj sib tham los yog pom duab video, raws li kev txiav txim pom zoo ntawm tus Kws Txiav Txim Plaub Ntug uas saib xyuas qhov teeb meem ntawd.

Kws Txiav Txim Plaub Ntug Nyob Tos Hu Xov Tooj (Civil Judge On-Call)

1. Nyob rau qhov kev Xaaj ntawm Tus Thawj Kws Txiav Txim Plaub Ntug, cov kws txiav txim plaub ntug, cov tuav ntaub ntawv thiab/los yog cov ntaus ntawv hauv tsev hais plaub yuav tsum tau tuaj tshwm hauv xov tooj los yog pom duab video rau cov rooj plaub sib hais nyob rau lub sij hawm uas siv cov cai mus ib ntus rau thaum muaj xwm txheej kub ceev no. Qhov no txais yuav tau rau cov xwm txheej tshwj xeeb no.
2. Tus Thawj Kws Txiav Txim Plaub Ntug los yog tus sawv nws cev yuav teem sij hawm kom muaj sib hloov puag ncig uas yog kom muaj tsawg kawg ib tus yog tus (cov) Kws Txiav Txim Plaub Ntug Nyob Tos Xov Tooj (Civil Judge(s) On-Call) txhua hnuab ua hauj lwm uas yog lub sij hawm tseem siv cov cai mus ib ntus rau qhov xwm txheej kub ceev no los mus tuav cov teeb meem hais plaub txog Neeg Foob Neeg thiab Faib Cuab Yeej Cuab Tam uas yog kub ceev (emergency Civil and Probate) uas yog tus neeg tuaj koom kiag los yog siv xov tooj los yog pom duab video raws li qhov yuav tsum tau ua. Qhov no yuav los hloov qhov Sij Hawm Teem Rau Tus Kws Txiav Txim Plaub Ntug Sij Hawm Nruab Hnuab (Daytime Duty Judge Schedule) uas muab siv los ntawm Ceg Xyuas Txog Cov Rooj Plaub Neeg Foob Neeg/Tsev Neeg (Civil/Family Divisions); Ceg Saib Xyuas Cov Rooj Plaub Hais Txog Tsev Neeg kuj yuav tsa kom muaj ib tus Kws Txiav Txim Plaub Ntug Nyob Tos Hu Xov Tooj (Family Judge On-Call) txhua hnuab ua hauj lwm thaum lub sij hawm no thiab yog tus yuav khiav cov hauj lwm nrog rau tus (cov) Kws Txiav Txim Plaub Ntug Neeg Foob Neeg Nyob Tos Hu Xov Tooj (Civil Judge(s) On-Call).

Cov Rooj Muab Txij Nkawm Sib Txis (Weddings)

1. Muab tas nrho cov rooj txis txij nkawm tshem tawm kom mus txog rau lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm Lub Tsev Hais Plaub tom ntej. Cov khub txij nkawm uas yuav sib yuav uas nrhiav tsis tau lwm txoj kev los txis lawv ua txij nkawm yuav tsum hu rau qhov chaw ua hauj lwm (Milwaukee County Clerk) ntawm 414-278-4067 kom muab ncuab mus sib yuav raws li lawv daim ntawv pov thawj (license) uas muaj tam sim no los yog kom thim qhov nyiaj uas lawv tau them rau qhov sib yuav nyob rau ntawm Tsev Hais Plaub lawm rov qab.

Cov Rooj Plaub Hais Txog Kev Ua Tus Saib Xyuas/Tso Me Nyuam Rau Lwm Tus Saib Xyuas thiab Muaj Kev Nyuaj Siab Mob Hlwb

1. Cov rooj plaub hais txog muaj kev nyuaj siab mob hlwb (Mental Commitments Hearings) – Cov Rooj Plaub Ntseeg Tias Tej Zaum Yeej Muaj Tshwm Sim (Probable Cause Hearings) yuav sib hais siv xov rooj txij tam sim no mus txog lub 5 Hlis (May) Tim 15, 2020 los yog kom txog rau thaum muaj Ntawv Xaaj ntawm Tsev Hais Plaub tom ntej raws li nram qab no:

- a. Cov Roj Plaub Ntseeg Tias Tej Zaum Yeej Muaj Tshwm Sim (Probable Cause Hearings) yuav muab los sib hais rau ntawm cov hnub Mondays, Tuesdays thiab Thursdays
 - b. Cov roj plaub hais Kawg thiab muab Ncua Sij Hawm yuav muab los sib hais siv xov tooj rau cov hnub Fridays uas tsis pub muaj tus neeg kiag tuaj peev lus.
2. Cov roj plaub Watts Hearings muab ncu mus txog rau lub 5 Hlis (May) Tim 15, 2020 los yog kom txog rau thaum muaj Ntawv Xaaj ntawm Tsev Hais Plaub tom ntej. Cov teeb meem twg uas tam sim no tau muab teem rau thaum los yog ua ntej lub 5 Hlis (May) Tim 15, 2020, yuav muab teem sij hawm dua los ntawm tus Tuav Ntaub Ntawv (Clerk).
 3. Cov roj plaub hais txog Kev Saib Xyuas thiab Muab Tso Rau Lwm Tus Saib Xyuas (Guardianships and Protective Placements) uas muaj tam sim no hais tsis tau tiav thiab cov tshiab tau muab ncu mus txog lub 5 Hlis (May) Tim 15, 2020 los yog kom txog rau thaum muaj Ntawv Xaaj ntawm Tsev Hais Plaub tom ntej, tshwj tias ntshe yog ib qho teeb meem xwm txheej kub ceev thiab tau lus tso cai ua ntej los ntawm tus Kws Txiaiv Txim Plaub Ntug los yog Tus Ua Hauj Lwm Rau Tsev Hais Plaub uas tau muab qhov teeb meem tso rau. Yog xav tau ib daim ntawv tso cai ua ntej, hu rau 278-4516 rau cov teeb meem tshiab thiab tus Neeg Ua Hauj Lwm Hauv Tsev Hais Plaub rau cov uas tau teem hnub ua tsis tau tas.
 4. Cov Roj Uas Tus Neeg Yuav Poob Rau Qhov Txwv Tsis Pub Ua Ib Yam Dab Tsi (Individual At Risk Injunctions) – Tas nrho cov ntawv rau ntawm qhov tus neeg poob rau qhov txwv tsis pub ua ib yam dab tsi mus ib ntus thiab qhov kawg yuav muab los hais raws li tau teem cia los ntawm cov kws Txiaiv Txim Plaub Ntug (Judges Court Clerk) uas tau muab txoj hauj lwm tso rau txawm yuav yog tus neeg tuaj koom kiag los yog hauv xov tooj.

**COV CAI THIB OB SIV MUS IB NTUS THIAB XWM TXHEEJ KUB CEEV HAIS TXOG COV ROJ
PLAUB RAU TSEV NEEG**

1. Tas nrho cov teeb meem sib hais uas yuav tsum yog tus neeg kiag tuaj koom xws li roj plaub txiaiv txim, sib txeeb me nyuam thiab tso me nyuam rau lwm tus saib xyuas, ib roj sib hais twg uas yuav tau muaj pov thawj es siv tsis tau xov tooj sib tham thiab siv tsis tau kev sib kho haum rau ob tog yuav muab ncu mus txog lub 5 Hlis (May) Tim 15, 2020, los yog kom mus txog rau thaum muaj Ntawv Xaaj ntawm Tsev Hais Plaub. Cov Tuav Ntaub Ntawv rau txhua ceg tsev hais plaub mam li teem sij hawm rau cov kev sib hais no raws li lub Tsev Hais Plaub cov sij hawm ua tau.
2. Tas nrho cov ntawv rau ntawm Cov Kev Txwv Tsis Pub Ib Tug Ua Ib Yam Dab Tsi rau Kev Ua Phem Hauv Vaj Hauv Tsev, Kev Tsim Txom Me Nyuam, Kev Thab Ua Phem thiab Kev Ua Ntawv Tiv Thaiv Mus Ib Ntus yuav muab los sib hais uas yog tus neeg tuaj koom kiag los yog hauv xov tooj los yog pom duab video.
3. Tas nrho cov roj sib hais txog kev sib nrauj yuav tsum muab xaus kom mus txog rau thaum lub 5 Hlis (May) Tim 15, 2020, los yog txog thaum muaj Ntawv Xaaj ntawm Tsev Hais Plaub. Cov tsev hais plaub yuav ua tau yog muaj ntawv pom zoo los ntawm ob tog thiab muaj kws lij choj sawv lawv cev. Ceg Saib Xyuas Tsev Neeg (Family Division) tam sim no tseem nrhiav cov hau kev xaiv los mus ua cov kev sib nrauj ib txhia hauv xov tooj los yog pom duab video (ua yog siv ib yam ntawv affidavit tshwj xeeb) thaum lub sij hawm no; qhov no yuav cia rau tus Kws Txiaiv Txim Plaub Ntug pom zoo.

4. Qhov chaw Sojourner Family Peace Center Restraining Order Clinic nyob rau theem 7 ntawm lub Tuam Tsev Hais Plaub (Courthouse) yuav hloov nws cov kev pab los ntawm qhov hu xov tooj thiab efiling ntawm cov ntawv thov tuaj ua ntawv tiv thaiv mus ib ntus (temporary restraining orders). Thov hu rau 414-278-5079 yog xav paub ntxiv los yog Sojourner tus xov tooj hu tau 24 xuj moos ntawm 414-933-2722.)

Kws Txiav Txim Plaub Ntug Rau Tsev Neeg thiab Court Commissioner Nyob Tos Hu Xov Tooj (On-Call)

1. Nyob rau ntawm kev Xaaj ntawm Tus Thawj Kws Txiav Txim Plaub Ntug, cov kws txiav txim plaub ntug, cov court commissioners, cov tuav ntaub ntawv thiab/los yog cov ntaus ntawv hauv tsev hais plaub yuav tsum tau tuaj tshwm hauv xov tooj los yog video rau cov rooj plaub sib hais nyob rau lub sij hawm uas siv cov cai mus ib ntus rau thaum muaj xwm txheej kub ceev no. Qhov no txais yuav tau rau cov xwm txheej tshwj xeeb no.
2. Tus Thawj Kws Txiav Txim Plaub Ntug los yog tus sawv nws cev yuav teem sij hawm kom muaj sib hloov puag ncig uas yog kom muaj tsawg kawg ib tus yog tus Kws Txiav Txim Plaub Ntug thiab Court Commissioner Nyob Tos Xov Tooj txhua hnuab ua hauj lwm uas yog lub sij hawm tseem siv cov cai mus ib ntus rau qhov xwm txheej kub ceev no los mus tuav cov teeb meem hais plaub txog Tsev Neeg uas yog tus neeg tuaj koom kiag los yog siv xov tooj los yog pom duab video raws li qhov yuav tsum tau ua. Qhov no yuav los hloov qhov Sij Hawm Teem Rau Tus Kws Txiav Txim Plaub Ntug Sij Hawm Nruab Hnuab (Daytime Duty Judge) Schedule) uas muab siv los ntawm Ceg Xyuas Txog Cov Rooj Plaub Neeg Foob Neeg/Tsev Neeg (Civil/Family Divisions); Ceg Saib Xyuas Cov Rooj Plaub Hais Txog Neeg Foob Neeg kuj yuav tsa kom muaj ib tus Kws Txiav Txim Plaub Ntug Nyob Tos Hu Xov Tooj (Civil Judge On-Call) txhua hnuab ua hauj lwm thaum lub sij hawm no thiab yog tus yuav khiav cov hauj lwm nrog rau tus (cov) Kws Txiav Txim Plaub Ntug Rau Tsev Neeg (Family Judge(s) On-Call).

**COV CAI THIB OB SIV MUS IB NTUS THIAB XWM TXHEEJ KUB CEEV RAU COV ROOJ PLAUB
UA TXHAUM TSOOM FWV TXOJ CAI LOJ**

1. Suav txij lub 3 Hlis (March) Tim 23, 2020, cov Chav Hais Plaub 14 Chav rau Cov Txim Loj (Felony), 7 Chav rau Cov Txim Me (Misdemeanor), cov Chav Tus Neeg Raug Foob Raug Ceev Cia thiab Lub Rooj Ntsib Tus Kws Txiav Txim Plaub Ntug Thawj Zaug Seb Puas Muaj Txim Txhaum (In-Custody Intake and Preliminary Hearing), thiab lawv cov ntawv teev hnuab (calendars) yuav muab sib sau los ua peb chav rau hauv qhov chaw Criminal Justice Facility (CJF). Cov rooj plaub txhaum cai loj, cov txhaum cai me dua thiab cov hais txog kev muaj cai saib xyuas me nyuam (custody) yuav muab los hais ntawm cov Kws Txiav Txim Plaub Ntug nyob hauv ob chav tsev hais plaub, G55A-CJF thiab chav Preliminary hearing, 146A-CJF. Cov rooj kom tuaj tshwm ntsej tshwm muag thiab tsis yuav cov rooj tuaj sib hais (preliminary hearings) yuav muab los tso ua ke thiab hais rau hauv chav In-Custody Intake courtroom, 137A-CJF, thiab cov rooj plaub no yuav yog cov Court Commissioners ua cov xyuas mus ntxiv. Tus Kws Txiav Txim Plaub Ntug yuav muab txoj hauj lwm tso rau cov neeg ua hauj lwm txiav txim plaub ntug uas yuav los tswj peb chav hais plaub no. Cov Tsev Hais Plaub Uas Muab Los Sib Ntxiv (Consolidated Court) no yuav qhib khiav hauj lwm lub 3 Hlis (March) Tim 23, 2020 mus txog lub 5 Hlis (May) Tim 15, 2020, los yog kom txog rau thaum muaj ntawv xaaj ntawm Tsev Hais Plaub.

2. Tas nrho cov kev sib hais uas yuav tsum yog tus neeg kiag tuaj koom nrog rau uas muaj xws li cov uas pej xeem tuaj nrog txiav txim (jury trials), cov rooj plaub txiav txim (court trials), los yog lwm yam kev sib hais uas yuav tau muaj pov thawj tim khawv uas tsis siv xov tooj los yog siv duab video tau muab ncuu kom mus txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj tuaj ntawm lub Tsev Hais Plaub. Tej teeb meem muaj li no uas tau muab teem rau thaum los yog ua ntej lub 5 Hlis (May) 15, 2020, yuav muab teem dua sij hawm los ntawm Tus Kws Tuav Ntaub Ntawv (Clerk) kom tau sib hais los yog tau ib hnuv txawv, raws li txiav txim pom zoo los ntawm tus Kws Txiav Txim Plaub Ntug uas tau tso txoj hauj lwm no rau nws.
3. Txij tam sim no mus txog lub 5 Hlis (May) Tim 15, 2020, los yog kom txog rau thaum muaj Ntawv Xaaj dua los ntawm Tsev Hais Plaub, txhua lub rooj sib hais uas tsis tas muaj pov thawj tim khawv uas yuav ua tau siv xov tooj los yog siv video yuav ua mus raws li tau teem tseg, uas muaj xws li tab sis kuj tsis yog tas rau cov rooj sib ntsib sib tham, cov rooj sib ntsib sib tham mus li cas, cov rooj sib ntsib sib tham ua ntej mus hais rooj plaub, kev thov kom tus kws txiav txim plaub ntug txiav txim rau ib yam dab tsi (conferences, status conferences, pretrial conferences, motion hearings,) cov kev txiav txim uas yog hais lus xwb tsis sau ntawv los tau. Tab sis li cas los, txhua qhov tsis hais qhov twg yuav muab teem dua sij hawm raws li kev txiav txim pom zoo los ntawm tus Kws Txiav Txim Plaub Ntug uas muab txoj hauj lwm tso rau nws yog tias tus Kws Txiav Txim Plaub Ntug ntseeg tias yuav tsum tau kiag tus neeg tuaj koom.
4. Tas nrho cov rooj plaub uas hais txog cov neeg raug foob (out-of-custody defendants) yuav tsum muab tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm Tsev Hais Plaub dua ntxiv tom ntej. Cov rooj plaub yuav siv xov tooj los yog siv video los tau yog tias ua tau. Cov rooj plaub hais txog cov neeg raug foob (out-of-custody defendants) no yuav tsum tau muab xaus kom txog thaum los yog tom qab lub 6 Hlis (June) Tim 1, 2020.
5. Tas nrho cov rooj plaub uas tsis yog pej xeem nrog txiav txim uas hais txog cov neeg raug foob (in-custody defendant), uas tsis raug muab tuav cia uas tsis yog cov tseem sib hais (case-at-bar), kuj yuav hais mus raws sij hawm tau teem tseg. Tab sis li cas los, txhua tus kws txiav txim plaub ntug muaj cai txiav txim hloov hla txoj cai no mus raws li qhov pom tias tsim nyog.
6. Tas nrho cov neeg raug txim uas raug xaaj kom koj tuaj hais plaub (Orders-to-Produce) hauv Wisconsin cov tsev loj kuj (Wisconsin State Prison System) tau muab tshem kom mus txog rau lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm Tsev Hais Plaub dua ntxiv tom ntej. Yuav tsis ua cov ntawv xaaj kom koj tus tshiab tuaj hais plaub kom mus txog rau lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm Tsev Hais Plaub dua ntxiv tom ntej.
7. Muab lub Tsev Hais Plaub (Out-of-Custody Intake Court) (221-Safety Building) kaw kom mus txog rau lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej.
8. Cov neeg uas tau tso nyiaj txhiv (bail) los yog tau muab tso tawm hauv tsev loj kuj lawm thiab tau muab xaaj rau hauv tsev hais plaub Out-of-Custody Intake Court (221-Safety Building) yuav tau raug xaaj kom tuaj rau hauv tom qab lub 5 Hlis (May) Tim 15, 2020.

9. Kev tuaj tshwm ntsej tshwm muag thawj zaug ntawm cov neeg raug foob uas tau muab txhom tuav cia (in-custody defendants) yuav tsum tuaj sib hais rau hauv chav 137A ntawm qhov chaw Criminal Justice Facility ntshe ho yog lub Tsev Hais Plaub xaaj kom ua lwm yam.
10. Tas nrho cov rooj sib hais (hearings) xub thawj rau cov neeg raug foob (out-of-custody defendants) yuav tsum muab xaus mus kom txog rau thaum lub 5 Hlis (May) Tim 15, 2020. Tas nrho cov rooj sib hais (hearings) rau cov neeg raug foob uas tau muab tuav cia yuav tsum ua mus raws li tau teem tseg.
11. Cov rooj plaub uas tau muab teem cia mus hais siv duab video yuav tsum muab ua mus raws li lub sij hawm uas tau teem tseg lawm.
12. Muab cov rooj uas hais txog cov nyiaj txhiv uas tsev hais plaub yuav lawm tsis ua raws cai (bail forfeiture) tshem tawm mus kom txog rau muaj ntawv ceeb toom ntawm lub Tsev Hais Plaub.
13. Cov tsev hais plaub yuav tsum ceev faj txog Tus Xwm Txheej Kub Ceev Hais Txog Tsoom Neeg Kev Noj Qab haus Huv tam sim no uas yog yuav tau npaj rau kev ceev thiab txhom cov neeg uas tsis koj raws cai, thiab cov uas tsis tuaj tshwm ntsej tshwm muag rau hauv tsev hais plaub.
14. Rau ntawm tas nrho cov rooj plaub (hearings) uas tau muab teem dua, tus Tuav Ntaub Ntawv (Clerk) yuav xa ntawv ceeb toom qhia rau ob tog ntawm roob plaub kom paub hnuv uas tau muab teem dua tshiab.

**COV CAI THIB OB SIV MUS IB NTUS THIAB XWM TXHEEJ KUB CEEV HAIS TXOG KEV TSWJ
XYUAS UA NTEJ ROOJ PLAUB (PRETRIAL SUPERVISION), KEV RAUS TES PAB THAUM
NTXOV (EARLY INTERVENTIONS) & KEV KHO QUAV YEEB TSHUAJ RAU COV MUAJ HNUB
NYOOG (ADULT DRUG TREATMENT)**

1. Muab tas nrho cov kev tswj xyuas tim ntsej tim muag (face-to-face supervision) nrog rau JusticePoint tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej. Cov neeg raug foob/cov koom yuav raug tswj xyuas los ntawm kev hu xov tooj sib cuag.
2. Muab tas nrho cov rooj plaub hais txog Kev Kho Quav Yeeb Tshuaj (Drug Treatment) (DTC) tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej. Muab tas nrho cov kev tshwj xyuas tim ntsej tim muag rau tas nrho cov koom hauv DTC tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej. Tas nrho cov neeg koom hauv DTC yuav raug tswj xyuas los ntawm kev hu xov tooj sib cuag. Cov neeg koom hauv DTC yuav tsum hu rau tus xov tooj Kuaj Yeeb Tshuaj (Drug Testing Line), 414- 223-1926, thiab yog tias raug xaiv kom kuaj, yuav tsum tau mus ntsib Wisconsin Community Services ntawm 3732 W. Wisconsin Avenue, lub Qhov Rooj #3.
3. Tshwj qhov tau hais rau hauv Nqe Lus (Paragraph 1), muab tas nrho cov kev hais plaub (diversion, deferred prosecution thiab treatment alternatives thiab diversions) tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej. Muab tas nrho cov kev sib cuag tim ntsej tim muag ntawm tas nrho cov neeg koom hauv EI tshem tawm mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej. Tas nrho cov neeg koom hauv EI yuav raug tswj xyuas los ntawm kev hu xov tooj sib cuag. Muab qhov kev kuaj yeeb tshuaj thiab PBTs rau tas nrho cov koom hauv EI hauv qhov kev tshwj xyuas JusticePoint tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej.
4. Tshwj qhov tau hais rau hauv Nqe Lus (Paragraph 1), muab cov kev sib ntsib tim ntsej tim muag hauv qhov kev tswj xyuas JusticePoint tshem mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej. Tas nrho cov neeg raug foob hauv qhov kev tswj xyuas JusticePoint yuav raug tswj xyuas los ntawm qhov hu xov tooj sib cuag.
5. Tshwj qhov tau hais rau hauv Nqe Lus (Paragraph 1), muab qhov kev kuaj txog yeeb tshuaj thiab PBTs rau tas nrho cov neeg raug foob raws li qhov kev tswj xyuas JusticePoint tshem tawm mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej.
6. Muab tas nrho cov rooj plaub Hais Txog Qub Tub Rog Kev Kho Mob (Veteran's Treatment) thiab Kev Kho Mob Nyuaj Siab Mob Hlwb (Mental Health Treatment) tshem tawm mus kom txog rau thaum lub 5 Hlis (May) Tim 15, 2020, los yog kom txog rau thaum muaj Ntawv Xaaj ntawm lub Tsev Hais Plaub no dua ntxiv tom ntej.
7. Cov neeg uas raug tsom kwm saib xyuas los ntawm Secure Continuous Remote Alcohol Monitoring (SCRAM) uas tsis tau ua qhov kom mus muab tau qhov cuab yeej siv SCRAM yuav tsum ceeb toom qhia paub mus ntxiv rau ntawm lub hom phiaj mus muab kom tau qhov cuab yeej siv SCRAM nkaus xwb.